

Deporte Local

PWA Bonaire World Cup a cuminsa cu resultadonan exitoso

Kiri Thode y tambe Sarah Quita Offringa ta ganado nan di e prome dia di competencia



ORANJESTAD (AAN)--- For di nos hermana isla Bonaire nos a ricibi e siguiente comunicado: E evento mundial tan spera a cuminsa diabierna dia 20 di juni cu registracion oficial di e partisipantenan sigui pa un dia bastante relajante debi na e condicion di biento. Tur e partisipantenan a bin di diferente pais rond mundo cu a tuma oranan largo pa por a yega Bonaire. E partisipan-

tenan a bin for di Alemania, Aruba, Belgica, Bonaire, Canada, Francia, Inglaterra, Israel, Italia, Japon, Corsou, Noruega, Austria, Australia, Rusia, Suiza, Venezuela y Hulanda.

Den oranan di anochi hunto cu invitadonan spesial manera e sponsornan, partisipantenan, e team di PWA, e team di e comite di evento hunto cu cordinador general Gerrald Victorina y tambe e



maestro di ceremonia señor Papi Cicilia, a ofisialisa e comienzo di e evento.

E cordinador general Sr. Gerrald Victorina a gradisi tur e sponsornan cu semper a sa di demostra nan confianza y aporte na engrandese e evento mundial di windsurf y a invita representatnte di gobierno hunto cu señor Ethsel Pieterrella, Director di Oficina di Turismo pa ofisialisa e evento cu e sonido di pito.

E anochi a sigui cu e tremendo ambiente di Bolas Criollas y tambe e banda Kariño.

E prome dia di competencia a cuminsa cu e "skippers meeting" pa 10'or di mainta sigui pa e prome eliminacionnan. E resultado pa e prome dia di competensianan di PWA Bonaire World Cup 2014 den categoria di Freestyle Men a keda na prome lugar Kiri Thode (NB-61) di Bonaire, segundo lugar Steven van Broeckhoven (B-72) di Belgica, di tercer lugar Tonky Frans (NB-7) di Bonaire y di cuater lugar Youp Schmit (NB-12) tambe di Bonaire. E resultadonan pa e prome dia di competencia den categoria di Freestyle Women a keda na prome lugar Sarah Quita Offringa (ARU-91) di Aruba, na segundo lugar Arriane Aukes (NED-131) di Hulanda, na tercer lugar Yolanda Brednt de Freitas (V-26) di Venezuela y na di cuater lugar Oda Brodholt (NOR-500) di Noruega.

Organisadornan ta duna un



danki inmenso na tur e sponsornan cu un biaha mas a muestra nan confianza y aporte na engrandese e evento. Por bishita e website di PWA www.pwaworldtour.com pa

por mira e competensianan bibo y directo. Bishita nos website www.prokidsfreestyle.com y nos Facebook page: Prokids Windsurfing Bonaire.